



Broj: 01-04-11-726/21  
Sarajevo, 01.06.2021. godine

### Obavijest o korištenju izvora ionizirajućeg zračenja u Bosni i Hercegovini

Poštovana/i,

Korištenje izvora ionizirajućeg zračenja (u konkretnom slučaju uređaja koji proizvode ionizirajuće zračenje (rendgen uređaja)) u Bosni i Hercegovini regulirano je Zakonom o radijacijskoj i nuklearnoj sigurnosti u Bosni i Hercegovini („Službeni glasnik BiH“ broj 88/07, u daljem tekstu: Zakon) i pratećim podzakonskim aktima. Za provedbu ove zakonske legislative nadležna je Državna regulativna agencija za radijacijsku i nuklearnu sigurnost (u daljem tekstu: Agencija) sa sjedištem u Sarajevu i dva regionalna uređa, u Mostaru odnosno u Banja Luci. Sukladno tome, Agencija je definirala uvjete za nabavku, distribuciju, prodaju, posjedovanje, puštanje u rad i korištenje rendgen uređaja kroz relevantne propise o sigurnosti izvora zračenja.

Stoga, Agencija vrši autorizaciju pravnih osoba koje žele vršiti djelatnosti sa izvorima ionizirajućeg zračenja. Autorizacija se vrši u vidu izdavanja licence odnosno registracije za pojedine vrste djelatnosti sa izvorima ionizirajućeg zračenja. Detaljnija procedura regulativne kontrole definirana je Pravilnikom o notifikaciji i autorizaciji djelatnosti sa izvorima ionizirajućeg zračenja („Službeni glasnik BiH“ broj 66/10, u daljem tekstu: Pravilnik).

Nabavka, distribucija, prodaja, puštanje u rad te posjedovanje i korištenje rendgen uređaja regulirano je na sljedeći način:

- a) Pravne osobe koje žele vršiti nabavku i distribuciju rendgen uređaja moraju posjedovati licencu za djelatnost nabavke i distribucije izvora ionizirajućeg zračenja.
- b) Pravne osobe koje žele posjedovati i koristiti rendgen uređaj/e moraju prije nabavke uređaja pribaviti relevantno odobrenje, a po njihovoj nabavci izvršiti autorizaciju.
- c) Pravne osobe koje žele puštati u rad rendgen uređaje moraju posjedovati licencu za djelatnost tehničkog servisa za zaštitu od ionizirajućeg zračenja za instaliranje, servisiranje i demontažu uređaja koji proizvode ionizirajuće zračenje.

Na osnovu naprijed navedenog, svaka pravna osoba koja namjerava započeti obavljati djelatnost sa izvorima ionizirajućeg zračenja (odnosno koja želi koristiti rendgen uređaj/e) dužna je, **prije nabvake istog/istih**, izvršiti **notifikaciju** djelatnosti posjedovanja i korištenja izvora ionizirajućeg zračenja kod Agencije. Notifikacija djelatnosti se vrši dostavljanjem popunjenog obrasca (Notifikacija djelatnosti<sup>1</sup>) u sjedište Agenciji ili regionalne urede odnosno putem elektronske pošte [info@darns.gov.ba](mailto:info@darns.gov.ba) ili na broj faksa 033 726 301.

---

<sup>1</sup> <http://www.darns.gov.ba> dijelu Informacije za korisnike/Obrasci

Ukoliko pravna lica nabavlja rendgen uređaj/e kategorije 3<sup>2</sup> (dentalni intraoralni uređaj, rendgen uređaj za podijatriju ili denzitometriju kostiju), nakon odgovora Agencije na dostavljeni notifikacijski obrazac pravna osoba obraća se nosiocu licence za nabavku i distribuciju izvora ionizirajućeg zračenja s ciljem kupovine rendgen uređaja.

U slučaju da pravna osoba nabavlja rendgen uređaj/e kategorije 1 odnosno kategorije 2<sup>3</sup> ista je dužno, pored notifikacije, Agenciji dostaviti i **zahtjev za odobrenje za posjedovanje** u skladu sa člankom 27. Pravilnika. Ove pravne osobe mogu se obratiti nosiocu licence za djelatnost nabavke i distribucije izvora ionizirajućeg zračenja s ciljem kupovine rendgen uređaja **tek nakon** pribavljanja odobrenja za posjedovanje.

*O uvjetima autorizacije za djelatnost posjedovanja i korištenja rendgen uređaja pravna osoba će biti obaviještena od strane Agencije sukladno članku 11. Pravilnika, a po dostavljenoj notifikaciji.*

Kupljeni rendgen uređaji mogu biti pušteni u rad samo od nosioca licence za djelatnost tehničkog servisa za zaštitu od ionizirajućeg zračenja za instaliranje, servisiranje i demontažu uređaja koji proizvode ionizirajuće zračenje<sup>4</sup>, pri čemu ovi tehnički servisi mogu biti ujedno pravne osobe koje vrše djelatnost nabavke i distribucije odnosno njihovi podizvođač.

Sve propise koji reguliraju oblast zaštite od ionizirajućeg zračenja u Bosni i Hercegovini kao informacije za korisnike možete naći na službenoj stranici Agencije [www.darns.gov.ba](http://www.darns.gov.ba).

S poštovanjem,

**RAVNATELJ**  
**Marinko Zeljko**

<sup>2</sup> <http://www.darns.gov.ba/ru/LegislationAndDocuments/Odluke> Odluka o primjeni odredbi za Odobrenje za posjedovanje na uređaje koji proizvode ionizirajuće zračenje kategorije 3, broj 04-02-2-489/21 od 31.03.2021. godine

<sup>3</sup> <http://www.darns.gov.ba/ru/LegislationAndDocuments/Pravilnici> Tablica 2. Priloga 2 Pravilnika o notifikaciji i autorizaciji djelatnosti sa izvorima ionizirajućeg zračenja („Službeni glasnik BiH“, broj 66/10)

<sup>4</sup> <http://www.darns.gov.ba> u dijelu Informacije za korisnike poddio Tehnički servisi filter Djelatnosti: Instaliranje, servisiranje i demontaža uređaja.